

## PAULO LIWAKATETIGI COLOSSEENSITEDI

Nigijo jotigide aca nigotağa Colossos iteloco nipodigi Ásia, analeegoyatigi me nipodigi Turquia niginoa nokododi. Paulo ađica dađa dalita nađajo nigotađa, otegeađađa yowoogodi nigica lapo loiigi Cristo anidiaa ligeladi. Paulo idei ni-wilogonađaxi nađa idí nađadi liwakate.

Paulo owidi ane iditeloco nađadi liwakate niginoa anijo mađađa iditibige Efeesiotedi. Nigina me yotađaneđe Aneotedođoji, diniotagodetaloleeđodi lewiđa Colosseensitedi. Paulo eledi diiđaxinađece Goniotagodi Jesus me nigijaa lacilo loiigi, idiaađidi micatađa dađa lolaadi anowidi liwailidi. Paulo eo leemidi leeđodi niđaxinađaneđece ane deđewiteda. Yalađađa nigijo oxiiđodi anejiñađa me đodewiđa, codaa eledi yalađađa nigida gela anejiñađa me đodewiđa leeđodi me đodexogoteđe Cristo. Paulo iladee wadonadi, eniododipi inaa nionigipi, niotagipi inaa otagododi, yelođoditiogi anodaa leeditibige me ee lewiđa leeđodi monakato Goniotagodi.

### *Paulo yecoaditibige Colosseensitedi*

<sup>1-2</sup> Ee Paulo, ee liiđexegi Jesus Cristo, igaatađa joaniđidaa ane yemaa Aneotedođoji me ibakedi. Gonioxoa Timóteo ini meetađa nađa jiwakateetibigađajitiwaji notanađaxi anakaami liomađataka Aneotedođoji, anakaami nigeladimigipitigi nigotađa Colossos, anakaami

ƣonioxoadipi ane ƣadexocitege Cristo, codaa anidioka limedi me iwitece liiƣaxinaganegeco.

Jipokagatalo Aneotedoƣoji iniaa Goniotagodi Jesus Cristo mowo aneletagadomitiwaji, codaa mowo ƣadaalegenali mele.

*Paulo yotaganegge Aneotedoƣoji codaa me dinio-tagodetalo*

<sup>3</sup> Niƣina me jotaganegenaga Aneotedoƣoji, jipokagatalocotiwaji, codaa midioka limedi me iniotagodeegatalo ane Eliodi Goniotagodi Jesus Cristo, <sup>4</sup> iniotagodeegatalo leegodi me jibodicagatibigagajitiwaji anodaageni manakatonni Jesus Cristo, codaa anodaageni memaani inatawece loiigi Aneotedoƣoji. <sup>5</sup> Jaƣanakatonni Jesus Cristo codaa adinemaanitiwaji leegodi manibeonitegetiwaji niƣica laƣajegitedagagi Aneotedoƣoji ane yotetetedagadomi digoida ditibigimedi. Jaƣajipaataatiwaji moditece niƣica Aneotedoƣoji ane yotetetedagadomi niƣijo naƣajipaatalo niƣinoa notaga anewi, notaga anele anoditece Jesus Cristo. <sup>6</sup> Niƣinoa notaga anele jiƣilaagiteloco inoatawece nipodaga codaa joƣowo Aneotedoƣoji me nibinietediniwace oko inoatawece nipodaga, mijotaga me ƣadibinienitetiwaji niƣijo noko maleekoka ajipaatalo lotaga anele, codaa ewi mowoogoti Aneotedoƣoji midioka limedi meote aneletogodomi. <sup>7</sup> Epafraƣ jiƣijaa ane ƣadiiƣaxinitecetiwaji niƣina Aneotedoƣoji me daƣaxa meletedogodomi. Codaa Epafraƣ ƣodokaagedi ƣodemaanigi, ane yakadi me jinakatonaga, ƣobakawa moko liotagi Cristo,

odaa jigidaagee me gadaxawanitiwaji. <sup>8</sup> Codaa jiginiaa Epafra natematitogowa nigica anodaagigotaḡawatiwaji Liwigo Aneotedoḡoji meo meliodi memaani eledi ḡonioxoadipi.

<sup>9</sup> Leeḡodi nigijo ḡobodigitibigaḡajitiwaji, odaa nigijo naḡa jibodicaga, idiokaanaga limedi me jipokaḡatalo Aneotedoḡoji leeḡodi akaamitiwaji. Jipokaḡatalo Aneotedoḡoji meote me yajigotedaḡawatiwaji Liwigo ḡadixakedi codaa me yajigotedaḡawa ḡadowoogo aneotibige mepaanaga owoḡoti nigica Aneotedoḡoji ane yemaa.

<sup>10</sup> Odaa jigidaa nigakatitiwaji madiniwaxinaganagaḡatiti mawii ane yemaa Aneotedoḡoji me eni, codaa mocaḡanitalo, codaa akati mawiite inoatawece anele, codaa mepaanaga owoḡoti Aneotedoḡoji.

<sup>11</sup> Codaa jipokaḡatalo Aneotedoḡoji me yajigotedaḡawatiwaji initawece loniciwaga ane nelegi, amaleeḡaga akatitiwaji me ixomagaḡeenitedice inoatawece ḡadawikodico, codaa maniniitibecetiwaji.

<sup>12</sup> Eleditace jipokaḡatalo Aneotedoḡoji amaleeḡaga akatitiwaji maniotagodeetalo Aneotedoḡoji ḡodiodi, aneote me jakataḡa me jibaḡateḡe nigica ane yotetetema loiigi digoida ditibigimedi aneite inoatawece ane datale.

<sup>13</sup> ḡodogaḡedice mejonagaḡeloco loniciwaga nexocaḡa, codaa eote Lionigi lemaanigi me iige ḡodaaleḡenali.

<sup>14</sup> Iniaaḡiniwa Lionigi yeletedoḡodomi, codaa me ḡodogaḡedice me idejonaga nexocaḡa. Codaa leeḡodi Cristo aneote, odaa Aneotedoḡoji ja ixomagaḡeetedice ijoatawece nigijoa ḡobeyaceḡeco.

*Aniniwa icoa Jesus, codaa nigica baanegeote*

<sup>15</sup> Me jinataga Cristo micataga daga jinataga nigicoa Aneotedogoji ane digica ane yakadi me nadi. Liciagi nigicoa Aneotedogoji. Cristo jigijaa liidaga Lionigi Aneotedogoji. Iniaaginiwa naaxatedeloco inoatawece ane loenataka Aneotedogoji. <sup>16</sup> Leegodi Aneotedogoji ibake Cristo meote inoatawece aninoa, digoida ditibigimedi, codaa me digoina iigo, niginoa ane jakataga me jinataga, codaa me niginoa ane daga jakatagateda me jinataga. Jiginiaageote inoatawece niwicidi ane iige eletidi niwicidi, niginoa lacilodi niginoa niwicidi, codaa me niginoa niigenatagododi, inoa anida naqatetigi codaa anida loniciwaga. Cristo eote inoatawece ane niwicidi. Inoatawece eote eotedibige me iige. <sup>17</sup> Akaaginiwa Cristo nigijo maleedigicoateda niginoa aninoa, codaa leegodi loniciwaga, oada jiginoa inoatawece ane loenataka codaa nigina noko oniditecibeci iteloco codaa ilagateloco aneyate. <sup>18</sup> Loiigi Cristo liciagi nigina godolaadi. Odaa Cristo jiginiaa lacilo ane iige nigidi nolaadi. Jiginiaaginiwa aneote me yewiga nigidi nolaadi, igaataga jiginiaaginiwa liidaga me Lionigi Aneotedogoji, Nigijoa ane yeleo, pida Aneotedogoji ja yewikatiditace. Joanigidaa leegodi Cristo me gonegegi caticedi inoatawece aninoa. <sup>19</sup> Igaataga Aneotedogoji, ane Eliodi Cristo, ninitedibece leegodi Cristo me liciagi Aneotedogoji. <sup>20</sup> Odaa Aneotedogoji jegeote lowoogotetece miniaa ibake me nopilagaditace miniwataga inoatawece digawinitelogo ane

jinataga codaa me oko, leegodi niḡijo Cristo aneote. Leegodi Cristo me nadoogodi lawodi madataga nicenaganagate, Aneotedoḡoji ilakidetacediwage inoatawece ane jinataga digoida ditibigimedi, codaa niḡinoa ane jinataga digoina iḡo.

<sup>21</sup> Niḡijo jotigide akamaḡakaamitiwaji leegitalo Aneotedoḡoji motonitedice. Codaa akaami lakapedipi leegotedi niḡijoa ḡadowooko ane beyagi, codaa me niḡijoa ḡadoenataka ane beyagi anawiite. <sup>22</sup> Pida niḡina natigide, leegodi Lionigi Aneotedoḡoji meote me ḡoneleegiwa, oadaa ja yeleo, Aneotedoḡoji ja ḡadatecogoteenitacetiwaji miniwataga, eotedibige me ḡadadeegitedicogitiwaji lodoe, makaami oko ane yapidi, anepaa iomaḡaditedice, me daḡadiaaḡica laagedi. <sup>23</sup> Pida leeditibigetiwaji me idapaga diiticogi me iwaḡati liḡaxinaganegeco niḡinoa nibodicetedi anele ane icogotigi miniwataga Aneotedoḡoji, codaa matitetitiwaji me daḡa amiḡiticoace, codaa me daḡa ikanitiwaji manibeonitege niḡicoa Aneotedoḡoji aneetedoḡowa niḡijo naga niwakatee niḡinoa nibodicetedi anele anajipaatalotiwaji. Emeḡee Paulo, ja jao me ee niotagi me jatematitedibece nibodicetedi anele, baanaḡa oilaagaḡaditedeloco moyatematitedibece inatawece iḡo.

*Ica Paulo libakedi me yaxawa loiḡi Cristo*

<sup>24</sup> Niḡina natigide eliodi me idinitibeci me jawikode leegodi me ḡadaxawanitiwaji. Niḡinoa lawikodico yolaadi, leeditibige

me jixomagateetedijo, nigepaagicota me ixomagateedice inoatawece yawikodico ane nikatedici Cristo me jixomagateetedijo. Jawikodetema loiigi Cristo ane micataga daga lolaadi. <sup>25</sup> Aneotedoꝑoji eote me ee liotagi loiigi Cristo. Najigotediwa ibakedi me jao aneletagadomitiwaji. Ibakedi me jeloꝑoditedibece inoatawece Aneotedoꝑoji lotaga. <sup>26</sup> Niꝑinoa ane doꝑoyowoꝑodi ijotawece oko niꝑijo jotigide, pida niꝑina natigide Aneotedoꝑoji ja ikeetediogi niꝑina oko ane iomagaditedicoace me nepilidi. <sup>27</sup> Lowoogo Aneotedoꝑoji me ikeetediogi loiigi niꝑica ane yemaa meote. Ikeetediogi niꝑica anodaagee me ibinie inoatawece ane latopaco noiika. Odaa ja ikee Cristo miniwa catiwedi ꝑodaalegena. Joaniꝑidaa leꝑodi me inibeonagatege Aneotedoꝑoji me ꝑodiweniꝑide anigida noko digoida ditibigimedi miniwataꝑa. <sup>28</sup> Joaniꝑidaa leꝑodi mejinagatece Cristo minataga inatawece oko. Jajoinaga codaa me jiꝑaxinaga inatawece oko, jibakenaga idatawece ꝑodixakedi, jaꝑatibige minatawece oko anoyexogotege Cristo aꝑica gaantokaagica libeyacaꝑajegi niꝑica noko nige jadeegaga lodoe Aneotedoꝑoji. <sup>29</sup> Odaa joaniꝑidaa leꝑodi me idinoniciwaꝑaditeloco ibakedi, codaa joletibige me jibotege ane lakakeꝑegi ibakedi. Odaa jakadi me jaote inoatawece ibaketedi leꝑodi yoniciwaga Cristo ane najigotediwa, eotedibige me jigodi ibakedi.

## 2

<sup>1</sup> Enice jemaa mowoꝑotitiwaji meliodi me

idinoniciwagadi me gadaxawani, codaa me jaxawa gonioxoadipi ane nigeladimigipitigi nigotağa Laodicía, codaa minataweceeledi gonioxoadipi ane digicata me etidadi. <sup>2</sup> Jemaa mabo laalegena, codaa jemaa me ilagatiwage igaatağa dinemaatiwage. Eleditace jemaa moyakadi moyowoogodi mida aneetege Aneotedoğoji leegodi Cristo aneotetema, ajemaa dağa nawienatakanaga, amaleeğaga enegegi oyowoogodi Cristo, Nigijoa Aneotedoğoji ane nikee. <sup>3</sup> Cristo liciagi nigina nakabakenağanağadi ane yomoke epoagi, igaatağa jiginiiaa ikee nigicoa niliicağajetecidi Aneotedoğoji, nigicoa ane digicoateda monadi nigina oko. Nigidiwa niliicağajetecidi idatawece nigica lixakedi Aneotedoğoji, codaa me lowoogotakanegegi ane yajigote oko.

<sup>4</sup> Jao gadeemiditiwaji amanagawini ağica ane gadinaaleni, aneetece niwitakeco, ibake niginoa notağa libinienaga. <sup>5</sup> Igaatağa idaağida me leegitibigağajitiwaji, jeemitetece meite ee makaamitağatiwaji, eliodi me idinitibeci me jibodicitibigağaji me gadilakiitiwagetiwaji, idokidata aneni, codaa me atitetiniwace, idioka limedi manakatoni Cristo.

*Anodaagee godewiğa nigina me godilağatege Cristo*

<sup>6</sup> Leegodi nigijo anodaagee mabaatege Jesus Cristo me Ganiotagodi, oada oletibige midioka limedi me gadexocitege. <sup>7</sup> Macatağa nagana enanigije me ili leegotedi litotitedi me ideite catinedi iigo, oada oletibige midapağa diiticogi

me gadexocitege Cristo, amaleegaga gadiliiteloce gatiwagatakanegegi. Eledi gadiciagi nigina modabitegetini diimigi ditibigimedi lipodaagaladi ane datiteti, joanigidaagele me enitiwaji me gadexocitege Cristo ane liciaceekawa nigina diimigi lipodaagaladi, amaleegaga atitetitiwaji codaa midioka limedi manakatoni, anetiigadiigaxinitece. Odaa idioka limedi maniotagodeetalo Aneotedofoji.

<sup>8</sup> Adinowetitiwaji adigica aneo makaami niogododi leegotedi liigaxinaganegeco ane degewiteda, nowooko ane digicata jaogate, ane ninaaletiniwace oko. Odiigaxinagatece inokinoateda epaa lakataga goneleegiwadi, lixaketedi goneleegiwadi, ane daga icogotedigi miniwataga Cristo. <sup>9</sup> Igaataga Cristo liciagi Aneotedofoji, agica ane diniwokotetece, codaa nigijo malee yewiga digoina iigo me liciagi oko. <sup>10</sup> Odaa nigida makaamitiwaji agica anopootibige catiwedi gadaalegenali codaa agica ane aniaditibige, leegodi me gadexocitege Cristo, ane lacilo inoatawece niwicidi ane niigenatakanaga, codaa minoatawece anida nagatetigi.

<sup>11</sup> Leegodi me gadexocitege Cristo, odaa micataga dagakagiti gadolaadi mijotaga ane lakatigi jotigide loiigi Aneotedofoji. Pida nigina natigide agalee goneleegiwadi anoyakagidi gadolaadi, pida nigina natigide Cristo бага yakagidi nigica ane beyagi catiwedi gadaalegenali. Odaa jigidaa meote me gadiwokoni loniciwaga ane beyagi ane ide i catiwedi gadaalegenali. <sup>12</sup> Odaa



idaagee nigijo nagadinilegenitiwaji, liciagi degetigadalicitiniwace, degetigadawanagatitege Cristo, odaa nigidiaagidi ja gadewikitacetiwaji nigijo naga yewigatace Cristo, leegodi me iwaḡati Aneotedoḡoji meliodi loniciwaga, codaa me iwaḡati me yewikatiditace Jesus.

<sup>13</sup> Nigijo jotigide akaami émagaga lodoe Aneotedoḡoji leegotedi ḡabeyaceḡeco, codaa leegodi me digicata anenitege loiigi Aneotedoḡoji, anidiwa liḡenatakanegeco miditaga. Pida Aneotedoḡoji eote Cristo me yewigatace, codaa makaamitiwaji. Codaa ixomagaateedice nigijoa ḡabeyaceḡeco. <sup>14</sup> Micataga digidiwa ḡonaalewe miniwataga Aneotedoḡoji, jinaaleweega leegotedi ḡobeyaceḡeco. Pida Aneotedoḡoji ja yedia nigijoa ḡonaalewe, odaa aḡaleegica ḡonaalewetalo, leegodi Cristo ja yedia ḡonaalewe nigijo me yeletedeloco nicenaganagate. <sup>15</sup> Nigijo naga yeletedeloco nicenaganagate, Cristo ja igeke nigijoa ane niḡenatakanaga, codaa nigijo anida naḡatetigi (ḡoneleegiwadi codaa me niwicidi abeyacagaga). Cristo noḡa loniciwaga, codaa ikeetediogi inatawece me nigijaa anigaanyeḡegi.

<sup>16</sup> Enice jinaga domaga atacolitece nigina anodi minoa eletidi ḡoniḡenatakanegeco ane leeditibige mejiwagatece. Owote niḡenatakanegeco midi ica ane daḡakati melici, macipeta, codaa minoa nokododi ane limedi nalokeco, codaa epenai gela, codaa modi minoa nokododi me inipenagatini. <sup>17</sup> Nigijoa niḡenatakanegeco liciagi nigina liwa oko ane jowoḡotaḡa mina menagi. Pida nigini oko nigini

mejinataḡa, oḡaa aḡica ane jaḡa ḡaḡa jiwinaḡata liwa. Cristo jḡiḡjoa menaḡi, oḡaa aḡalee leeditibiḡe ḡaḡa jotetenaga niḡiḡjoa nakataḡa laxokodi ane liciagi niḡinoa wa. <sup>18</sup> Jiniḡica mawiitetiwaji niḡina aneetaḡawatiwaji mabataa, leeḡodi me ḡaḡa iwitece liḡaxinaga neḡeḡi, iḡataḡa diniwikodetibece inokina me lodoe oko, codaa ḡoḡetetiḡi aanjotedi. Codaa niḡini oko mee Aneotedoḡoji mepoka ikeeteta niḡiḡjo oko niḡica ane leeditibiḡe me jaḡa. Anaḡaxakeneḡeḡi, piḡa aḡica jibaḡata, codaa lowooko liciaco lowooko niḡina oko anida aneeteḡe niḡina iḡo. <sup>19</sup> Niḡini oko aḡaleeḡica ḡaḡa yexogoteḡe Cristo ane ḡoḡacilo. Cristo eote inatawece lolaadi, ane loiḡi, me idapaḡa diiticogi me ili ane yemaa Aneotedoḡoji me liciagi. Oḡaa idatawece ḡodilaḡatiwage leeḡodi loniciwaga Cristo, micataḡa ḡodolaadi mowidi laḡaḡetedi, piḡa oniditeci, leeḡotedi ḡodiniocidi inaḡinoa ḡodomolokenali.

*Godeleo piḡa ja ḡoḡewiḡatace miniwataḡa Cristo*

<sup>20</sup> Niḡida makaamitiwaji micataḡa ḡaḡa ḡademaḡawa Cristo. Oḡaa aḡaleeḡica aneniteḡe liḡenatakaneeḡeco, codaa me niḡinoa lakataḡa niḡina oko. Eniḡe, iḡaamee ina me ḡadiciagi niḡina oko ane beyagi lakataḡa ḡigoina iḡo? Iḡaameetiwaji ina me iwitece icoa lajoinaga neḡeco niḡina oko? <sup>21</sup> Iḡataḡa modi, “Jinaḡabaata niḡidi!”, miḡetaḡa ina modi, “Jineḡelici niḡida niweeniḡi!”, “Jiniḡitineḡeni niḡidi!” <sup>22</sup> Niḡida nakatigi inoka eetece niḡina anicota me ma, micataḡa niḡina

niweenigi. Enice jinaga iwitece niginoa nakataga otegeaagaga niigenatakanegeco ane icogetedigi minoataga niginoa goneleegiwadi. <sup>23</sup> Ewi niginoa nakataga me latopiwatigi daga gonegaga, igaataga odiiigenataka anodaagee me jooegatalo Aneotedogoji, pida odogetetiogi aanjotedi, codaa odiiixinagatece anodaagee me idiniwikodenagatibece, pida onowo me diniwikodetibigiwaji, codaa goniigetogowa me jiloikatitaga niginoa godoolatedi. Pida nigidiwa nakataga agetigodaxawa me jakataga me jajacagataga nagani godaalegena anabeyacege ane yemaatibece meo ane beyagi.

### 3

<sup>1</sup> Leeḡodi Aneotedogoji me yewikatiditace Cristo, oada jigidaagee micataga Aneotedogoji daga gadewikatitacetiwaji gadawanagatitetege Cristo. Oada ele midioka limedi moleetibigetiwaji nigica ane idei ditibigimedi, aneite Cristo moiwenigide, nicote liwai libaagadi Eliodi. <sup>2</sup> Idioka limedi mowoo codaa memaanitibige nigica ane idei ditibigimedi, idiḡida jineḡemaanitibige niginoa aninoa nigina iḡo. <sup>3</sup> Igaataga micataga daantaga gadelewitiwaji (odaa agaleegica anenitege nigijo jotigide anenitiwaji), pida ja gadewikitiwaji awanitege Cristo me yewiga. Pida Aneotedogoji anaga ikee nigica gela gadewigatiwaji. <sup>4</sup> Leeḡodi Cristo naga yewigatace, oada nige dinikeetace, oko eledi, Aneotedogoji eote me godelogo codaa godiwenigide gadawanagaditetege Cristo.

*Nigijo jotigide anejinağa me ғodewiğa icaagi  
gela ғodewiğa*

<sup>5</sup> Jinagawii ane beyagi ane yemaa ғadaalegenali, pida awii micataga nigina oko baanaga yeleo aғalee yakadi meo ane beyagi. Enice jinaga ғadoomatewa ane daға ғadodawa. Jinaga domaға emaanitibige nigina ane napioi, jinagawii, oteḡexaaga owoo nigina ane napioi ane ilidaḡaditigi ғadoolatedi. Jineḡemaanitibige midioka limedi meliodi nigina anakati, igaataga nigidaaḡeni ja daḡaxa maweniḡideni nigica anakamaға emaanı, odaa aғalee oḡeetetalo Aneotedoḡoji.

<sup>6</sup> Jinagawiitetiwaji niginoa ane beyagi, igaataga Aneotedoḡoji yelatetema codaa eliodi me iloikatidi nigina oko ane deḡeyiwagaditeda.

<sup>7</sup> Nigijo jotigide akamaḡakaamitiwaji jaḡawiite niginoa ane beyagi, codaa inoka awiite niginoa ane beyagi ғadaalegenali ane yemaa.

<sup>8</sup> Pida nigina natigide ele mikani mawiite niginoa ane beyagi, jinaga eliḡidee, codaa jinogoteteni ғadelaga catiwedi ғadaalegenali, codaa jinagawii ane beyagitemaeledi oko. Jinagabeyacagati ғagegi motaḡani, codaa jineḡeni inoa notaḡa ane napioi.

<sup>9</sup> Codaa jinagadininaalenitiwaji, igaataga jiḡikani nigijo jotigide aneni codaa jiḡikani nigijoa ғadakataḡa laxokodi.

<sup>10</sup> Nigida makaamitiwaji jiḡida gela aneni Aneotedoḡoji ane yajigotedaḡawa, anidioka limedi me ili, eote micota me ғadiciagi, digo miniwataga, codaa eote mepaanaga owoḡoti Aneotedoḡoji.

<sup>11</sup> Joanigidaa leeḡodi me daḡalee

ibeyacaḡadi niḡina oko mige judeu, oḡoa domige ajudeu; domige yakagidi lolaadi, oḡoa domige ayakagidi lolaadi; miḡetaḡa iomigigi; domige nialigipijegi; domige niotagi, oḡoa domige aniotagi. Pida okotawece iniokiniwateda Cristo mida ane jaoḡate, codaa ina me yewiḡa catiwedi ḡadaaleḡenali.

<sup>12</sup> Aneotedoḡoji ḡadiolaatedicetiwaji, ḡadiomaḡatitedice makaami loigi, codaa me ḡademaani. Enice adiniwikodenitiwaji, oleetibige makaami eletemaeledi oko, adiniwikodenitibece lodoeeledi oko, codaa ocaḡanegenieledi oko, codaa adinatiitalo niḡinoa anicinoa. <sup>13</sup> Adinatiitaeledi oko. Nigicatibece ina ḡadileenigitemaeledi oko, dioki ixomaḡateenitice anowotaḡadomi ane beyagi. Mijoataḡa Cristo me ixomaḡateetedice ḡadoenataka ane beyagi, awii digo mijoataḡa anee. <sup>14</sup> Odaa ane daḡaxa me leeditibige madinemaanitiwaji, amaleeḡaḡa ḡadilakiitiwage, codaa me ḡadegenakitiwaji.

<sup>15</sup> Jemaa Aneotedoḡoji midioka limedi meote mele ḡadaaleḡenali, amanagawini owoḡotitiwaji mawii niḡica anewi. Iḡaataga ḡadixipenedicoace eote makaami lapo oko ane ilaḡatiwage, codaa eotedibige mele ḡadaaleḡenali. Codaa midioka limedi maniotagodeetalo.

<sup>16</sup> Oleetibige mele mowookonitiwaji codaa midioka limedi me nalaḡatibigaḡaji niḡijoa niḡaxinaḡaneḡeco anoyalagaḡatalo Cristo, codaa mele me iḡaxinaḡani, codaa niḡina me aladeenieledi oko, abakeni initawece ḡadixakedi ane yajigotedaḡawa Aneotedoḡoji. Codaa agaani Enaco ane diniditelogo lotaḡanaḡaxi

Aneotedoḡoji, codaa eletidi Enaco, codaa agaani noḡeeḡeco ane ḡadiḡaxinitece Aneotedoḡoji Liwigo. Agaanaḡanitibigimece Goniotagodi, codaa oleetibige midioka limedi maniotagodeetalo manitawece ḡadaaleḡena.

<sup>17</sup> Enice okanicodaḡicoateda ane ḡadotaḡa, codaa mokanicodaḡica anawii, oleetibige manelegaateeni Liboonagadi Goniotagodi Jesus. Codaa niḡina maniotagodeetalo Aneotedoḡoji, Godiodi, abakeni Liboonagadi Jesus.

*Anodaa leeditibige me eni madiniwax-  
inaganagatiti lodoeeledi oko leegodi naḡa ḡela  
ḡadewiḡa*

<sup>18</sup> Akaamitiwaji, iwaalepodi, iwaḡati ḡadodawadi, igaataḡa jiḡidaa leeditibige me eni leegodi me ḡadexocitege Goniotagodi.

<sup>19</sup> Akaamitiwaji, ḡoneleegiwadi, emaani niḡinoa ḡadodawadi, codaa jinaḡakaami aojokomatadipi.

<sup>20</sup> Akaamitiwaji anakaami nionigipi, oleetibige midioka limedi me iwaḡati ḡadiododipi, igaataḡa Goniotagodi jiḡidaa yemaa me eni, akaamitiwaji ane iwaḡati Goniotagodi.

<sup>21</sup> Akaamitiwaji anakaami eniododipi, jinaḡawii ḡadionigipi me neligideega leegodi anemiitiogi moxoki, adaḡawiitibige midioka limedi magecaḡalodipi.

<sup>22</sup> Akaamitiwaji anakaami niotagipi, ele midioka limedi me iwaḡati ane ḡaniotagodi digoina iḡo. Odaa jinaga iwaḡati inokina niḡina mida me ḡadiwini dogoleetibige mocaganita, ane lakatigi niḡina oko anida aneetege niḡina iḡo. Pida oleetibige me iwaḡati ḡaniotagododipi inoatawece anoiḡetedaḡawa, mele ḡadaaleḡena,

leegodi me eemiteetigilo Aneotedoꝑoji.  
<sup>23</sup> Niḡina mawiiwaji okanicodaaḡica nibakedi,  
 adinoniciwaḡati mawii nibakedi anele,  
 micataga daga Goniotagodi iḡetedaḡawa mawii  
 niḡida nibakedi, jiniḡidoka ixomitiwece  
 ḡadacilo meledi ḡoneleegiwa ḡadiiḡeni mawii.  
<sup>24</sup> Iḡaataḡa owoḡotitiwaji Goniotagodi micota  
 me yajigotedaḡawa niḡica laḡajegitedaḡagitiwaji  
 digoida ditibigimedi. Iḡaataḡa Cristo jiniḡinaa  
 ane Goniotagodi ane jibaaḡatema. <sup>25</sup> Odaa  
 niḡina anidioka limedi meo ane beyaḡi  
 aibeyacaḡadi anini niḡini oko, pida Aneotedoꝑoji  
 yajigote loojedi ane iḡenaḡa leegodi niḡina ane  
 beyaḡi aneo. Iḡaataḡa Aneotedoꝑoji idokidata  
 anigotediḡi niḡina oko micataga doḡoko  
 diniciamico. Aḡica ini aneote me iomiḡiḡi  
 idatawece ḡodiciaceketediwage niḡina me  
 leeditibige me ḡodiloikatidi.

## 4

<sup>1</sup> Akaamitiwaji aninoa ḡaotaka, adowetitelogo  
 ḡaotaka, ajicitioḡi niḡica ane iḡenaḡa modibateḡe.  
 Analakitibige maḡaḡa iniwa Ganiotagodi digoida  
 ditibigimedi.

### *Paulo ladeenagaḡeḡeco*

<sup>2</sup> Oleetibige midioka limedi motaḡanegeni  
 Aneotedoꝑoji, jiniḡikani motaḡanegeni.  
 Atacolitiwaji niḡina motaḡanegeni Aneotedoꝑoji  
 amaleeḡaḡa owoḡoti nige yajigotedaḡawa  
 anipokitalo, odaa aniotagodeetalo. <sup>3</sup> Codaa  
 ipokitalo Aneotedoꝑoji me jakataḡa mejinaḡatece  
 Cristo, codaa me jikeenaḡa ane wi anodaḡeeteda

Cristo. Ite ee niwilogonaḡaxi leeḡodi mejitece Cristo. <sup>4</sup> Codaa leeditibige mejitece Cristo amaleeḡaḡa eliodi oko oyowoḡodi. Codaa ipokitalo Aneotedoḡoji minatawece igenaḡa moyowoḡodi yotaḡa niḡina mejitece Cristo.

<sup>5</sup> Abakeni ḡadixakedi niḡina midatecibece mad-inadeegiteḡe niḡina oko analeedoḡoyiwaḡaditeda Goniotagodi. Niḡina midatecibece makati max-awani, odaa ikeenitiogi mida aneniteḡe Cristo.

<sup>6</sup> Abakeni ḡadixaketedi amaleeḡaḡa idioka limedi mele motaḡani, enitece notaḡa anida ane jaḡate, amaleeḡaḡa owoḡoti ane alitigi ḡaḡeḡi magiti okanicodaḡaḡa oko.

### *Owidijedi lotaḡa Paulo me yecoeditibige Colosseensitedi*

<sup>7</sup> Jiḡe Tíquico migo yatematitaḡawatiwaji inoatawece ane jixomaḡateetedice. Tíquico ḡonioxa aneliodi me jemaanaḡa, codaa eledi liotagi Goniotagodi anidioka limedi meo ane iḡete Goniotagodi, codaa midioka limedi me ḡodaxawatece libaketedi Goniotagodi. <sup>8</sup> Jimonya migo makaamitaḡatiwaji, jaotibige mica ibodigitibigaḡajitiwaji, codaa jaotibige me ḡadaxawanitiwaji me ili ḡatiwaḡatakaneeḡitema Goniotagodi. <sup>9</sup> Gonioxa Onésimo jiḡe me lixigaḡawa Tíquico. Onésimo ḡonioxa aneliodi me jemaanaḡa, codaa me jakataḡa me jinakatonaga. Eledi ida aneniteḡetiwaji. Niḡidi iniwata ḡonioxadipi oyatematitaḡawa anodaḡeeta digoina anejo.

<sup>10</sup> Gonioxa Aristarco anini meetaga digoina niwilogonaḡaxi, yecoeditibigaḡajitiwaji, codaa



ḡonioxoa Marcos eledi yecoaditibigaḡajitiwaji. Marcos letexegi Barnabé. Jaḡabaatege yajoinaḡaneḡegi ane jidi mele mabaatege Marcos, nigicotaḡawatiwaji. <sup>11</sup> Josué, aneledi liboonḡadi me Justo, eledi yecoaditibigaḡajitiwaji. Niḡidiwa iniwatadiḡini ḡoneleegiwadi anoyiwaḡadi Goniotagodi, niḡidi jiḡidiokidi me judeutedi ane ibakawepodi. Eliodi metidaxawatece ibakedi, mejitece Aneotedoḡoji me yemaa me iḡe laaleḡenali oko.

<sup>12</sup> Gonioxoa Epafros yecoaditibigaḡajitiwaji. Epafros elatibige ḡanigotaḡa, inaḡina liotagi Jesus Cristo, codaa midioka limedi me dinoniciwaḡadi me yotaḡaneḡe Aneotedoḡoji leeḡodi akaamitiwaji. Dipokotalo Aneotedoḡoji matiteteloco ḡatiwaḡatakaneeḡegi, codaa mele mowoḡotitiwaji niḡaxinaḡaneḡeco aneetece Goniotagodi, codaa dipokotalo midioka limedi mowoḡoti codaa mawiite inoatawece ane iḡetedaḡawatiwaji Aneotedoḡoji. <sup>13</sup> Emeḡee jinadi codaa jakadi meji Epafros meliodi me diba me ḡadaxawanitiwaji, codaa me yaxawa ḡonioxoadipi ane niḡeladimigipitigi nigotadi Laodicéia aniaa Hierápolis. <sup>14</sup> Gonioxoa Lucas, dotowegi aneliodi me jemaanaḡa, iniaa Demas eledi oyecoaditibigaḡaji.

<sup>15</sup> Adecoateenitece niḡina anoyiwaḡadi Goniotagodi ane niḡeladimigipitigi nigotaḡa Laodicéia, codaa adecoateenitece ḡonioxoa Nínfas, codaa me niḡica lapo anoyiwaḡadi Cristo ane dinatecoḡotee liḡeladi Nínfas. <sup>16</sup> Nigagoti malomeḡeniteloco naḡadi iwakate, odao

iwakateeniticogi naḡadi yotaḡanaḡaxi miditaḡa lapo anoyiwaḡadi Goniotaḡodi digoida nigotaḡa Laodicéia, codaa mawii maḡaḡa oyalomeḡeteloco naḡadi iwakate. Codaa aḡaḡa alomeḡeniteloco notaḡanaḡaxi ane icogotigi Laodicéia. <sup>17</sup> Enita ḡonioxa Arquipo, “Digawini! Oleetibige magoti ḡabakedi anabaateḡe, leeḡodi mida aneniteḡe Goniotaḡodi!”

<sup>18</sup> Ee Paulo, emeḡee jidi iboonḡadi me idecoa-ditibigaḡajitiwaji. Jinaḡa ḡadaagititiwaji me ee niwilogojegi. Jemaa Aneotedoḡoji midioka limedi meletedaḡadomitiwaji. Odaa jiḡidaaḡee. (Amém).

## **Gela Liwai Lotaganaḡaxi Aneotedoḡoji** **New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
7128a549-e957-5460-8c56-0f5281edf264